

Þriðjudagur, 28. október 2014

## ER AÐ VAKNA SKAÐABÓTASKYLDA?

**Birtist í Fréttablaðinu 27.10.14.**

**FRÉTTABLAÐIÐ** Í sumar lagði einstaklingur, sem hefur verið háður fjárhættuspilum, fram kæru á hendur rekendum spilakassa og íslenska ríkinu fyrir að valda honum ómældu fjárhagslegu og heilsufarslegu tjóni með því að nýta sér veikleika hans í ábataskyni. Telur hann jafnframt að þrátt fyrir sérlög um rekstur spilakassa hvíli þeir á ótraustum lagalegum grunni og auk þess standist reksturinn ekki bókstaf laganna, sem kveði á um að ábatinn af rekstrinum renni einvörðungu til sérleyfishafa. Staðreyndin sé sú að eigendur húsnæðis undir spilavélarnar hafi af þeim ábata á forsendum sem standist ekki lög.

Það sem er athyglisvert við þessa kæru er að hér er fetað inn á braut sem kunn er erlendis og færast í vöxt að hún sé farin. Í kærinni sem ég hef undir höndum segir að spilakassa- og happdrættisvélaíðnaðurinn "*sé í svipaðri stöðu og tóbaksframleiðendur voru til skamms tíma..Dómar tóku að falla sjúklingum í hag en tóbaksframleiðendum í óhag sem kunnugt er. Hið sama á án vafa, í mínum huga, eftir að gerast varðandi fjárhættuspilin.*"

Þetta er óneitanlega umhugsunarverð nálgun. Bandaríski tóbaksiðnaðurinn hefur á 25 árum verið dæmdur til að greiða 206 milljarða dollara í skaðabætur beint og óbeint vegna afleiðinga reykinga. Margt bendir til þess að lögfræðingar séu að vakna til vitundar um að spilafíklar kunni að hafa rétt að sækja í hendur rekenda spilavítisvéla og hugsanlega einnig löggjafans á sömu forsendum og tilvitnuð kæra frá í sumar byggir á.

Í Evrópu hafa fallið dómar spilafíklum í hag og virðast þeir þyngjast. Spurning er hvort ákærvaldið á Íslandi eigi eftir að verða móttækilegra fyrir þessari réttarfarsþróun, en þess skal getið að saksóknari hjá lögregluembættinu á höfuðborgarsvæðinu og síðan ríkissaksóknari vísuðu framangreindri kæru frá með þeim rökum að rekstur spilakassa væri heimill samkvæmt sérlögum. Þetta hefur reyndar verið véfengt í almennri umræðu, meðal annars af hálfu löglærðra manna, en nú virðist að auki komin ný vídd til sögunnar, það er að segja ábyrgð þeirra sem reka spilavítisvélar og einnig hinna sem lögleiða rekstur tækja sem byggja á því að nýta sér veikleika fólks í ábataskyni.

**TIL BAKA (/GREINAR/2014/10)**

## Greinar (/greinar)

---

2008 (/greinar/2008)

---

2009 (/greinar/2009)

---

2010 (/greinar/2010)

---

2011 (/greinar/2011)

---

2012 (/greinar/2012)

---

2013 (/greinar/2013)

---

### **2014 (/greinar/2014)**

---

Janúar (/greinar/2014/01)

Febrúar (/greinar/2014/02)

Mars (/greinar/2014/03)

Apríl (/greinar/2014/04)

Maí (/greinar/2014/05)

Júní (/greinar/2014/06)

Júlí (/greinar/2014/07)

Ágúst (/greinar/2014/08)

September (/greinar/2014/09)

Október (/greinar/2014/10)

Nóvember (/greinar/2014/11)

Desember (/greinar/2014/12)

---

2015 (/greinar/2015)

---

2016 (/greinar/2016)

---

2017 (/greinar/2017)

---

[2018 \(/greinar/2018\)](/greinar/2018)

[2019 \(/greinar/2019\)](/greinar/2019)

## Fréttabréf


Fullt nafn

Netfang \*

**SKRÁ** [Afskrá \(/frettabref/afskra\)](/frettabref/afskra)

 [BRÉF TIL SÍÐUNNAR \(/BREF-TIL-SIDUNNAR\)](/BREF-TIL-SIDUNNAR)

 [RSS FRÉTTAVEITA \(/RSS\)](/RSS)

 [LEIT Á SÍÐUNNI \(/LEIT\)](/LEIT)